

December 04, 2013  
PLC 1<sup>st</sup> Meeting Fy2014  
2:00 pm.

Vice Chairperson Mr. Noah Secharraimul a milchellii a meeting.

Kot e ng uluuchais el kmo a Mr. Alfonso U. Megreos me a Mr. Gregorio Ngirmang a liluut el mengai el mo chedal a PLC me te ngar er tia el miting.

**Ocherengir a rechad el ngar er a miting:**

A Acting Chairperson a ulengit er a Researcher me lenguu a ulecherengir a rechad el ngar er tia el miting. Me tirka el beldukl er oeu a mla er a miting:

1. Hon. Noah Secharraimul- acting Chairperson
2. Hon. Lucia Tabelual
3. Hon. Debbie Tkel-Sbal
4. Hon. Rachel Ngiruos
5. Hon. Gregorio Ngirmang
6. Hon. Alfonso U. Megreos

**Omengeiul a minits.**

A chairmen a uleker el kmo ng mla er ngii a temir a rechad el msa minits er a miting el ngar er a mederir. Aika el minits a kirel a miting se er a : Aug.16, 2013; Aug.23, 2013; Aug.28, 2013 me a Sep.16, 2013. Researcher a uluchais el kmo tia el journal a mirous er chelechal miting. Director Sbal a ulemdasu el kmo kele ng sebeched el omes el omuchel er a kot el meketeketang e merael el mei e loltirakl a sils er a ika el minits. Chairman a milekoi el mo ng klou a belkul bo dungil lomes aika el minits el kmo a tekoi el ngar er ngii aike el tekoi el mildung.

Uchel a ulengit me de “defer” er tia el journal el mo er a next el miting. Me ng rirelii a “motion” el nguu a omengeiul a minits el mo er a neks el miting e mla er ngii “second” er gnii, me ng mlo ua isei. E a Uchel a dirrek el ulengit me a Researcher me a secretary meltelkib el mo oreched a omerellel a journal me a rechad a dirk ungil medengei a mildung er a miting el ngar er a minits. A Researcher a kma el kilengei el kmo ng mo ua isei.

## Urerel a Kamision

### a) Compiled list of New Loanwords.

A Chairman a milemolem er a miting el mo er a ongeua el azenda er a miting el kirel aike el beches el rrodel el tekoi er a Belau. Me ngar er ngii a bla lodak a Researcher e odars el me er a rechad er a bord. Me ng uleker a uldesuir a rechedal a bord. Me a Ms. Sbal a milekoi el kmo keke bail ungil a lemekedmokl a “policy” el kirel a teletelel a omengeiul a “loanwords” me a ngidi el beches el tekoi er a Belau. Ng oumera el kmo ng kired el kmal el loureor el melisiich a tekoi er belau me a lsekum ngar er ngii a tekoi er a Merikel el ngar er ngii a belkul el tekoi er Belau e ng diak el kired el melai (adopt) er se el tekoi. E le ng mo tomelii se el tekinged er a Belau.

Ng mle klou a cheldechoduch el kirel aike el tekoi er a ngodech el beluu el ngar er ngii a tekinged el kirel, el uldimukl er ngii a ngar er ngii el tekinged el ta e ng mirrodel el mla er a kuk ta er a beluu. Te ulmekesiu er a tekoi el “budget” me a “iosang ang’/ te milsaod el kmo (**Uchel**) a lebebil e kede ousbech a rrodel el tekoi er a merikel me a Siabal. A **Rachel** a ko er a ulemdasu el kmo, a teletelel a usbeched er a tekoi a dirrek el mo ultuil er a “audience” er a chad el mengedechoduch. Me a **Ms. Sbal** a kmo, ng dirre3k el sebeched el remuul a llechud el ng mai a tekoi er a kakerous el beluu me a llechub el ua Siabal me a merikel el melekoi er a osisiu el tekoi e le kede ousbech el teblong.

A **Lucia** milekoi el kmo, ng ngungil a debii (categorize) aike el bla de basech el tekoi el mo er a kakerous el usbechel me a bingel, el ua tekoi er a “Science” me a udoud, kall, klalou, uldasu environment, llach me a kuk bebil. Me kede omes el kmo ngera el tekoi a dousbech me a ngera ngar er ngii a tekinged el kirel, e ngii a mo beot. E olterkokl a llechul el kirel aike el tekoi. Me ng mlo ua isei. Te dirrek el lulengit me a lsekum ngar er ngii a tekoi er a Belau el kirel aika el tekoi, e a Researcher a luchesii e odekiar. Ng dirrek el melekoi el kmo a ua ike el tekoi el “positional word” a kmal el ngar er ngii a tekinged le kirel e kmal el kired el melisiich e okiu a usbechel me a osisecheklel.

A **Vice Chairman** a milekoi el kmo, ng uldimukl er a tekoi er a omesuub e tia el urered a kirel el rokui el tekoi el dousbech er chelechal taem, ng diak el sa el kirel a omesuub , a rechad er a skuul a kuk mo omes a tekoi er a omesuub.

Me ng miltib el kmo; a Researcher a mo mii aika el mo meluches el beches el loanwords e a le ngar er ngii a tekoi er Belau el kirel el dirrek el lemeluches.

A **Vice Chairman** a uluusbech er a tekoi el “bappa” el ko er a omes er a teletelel a urerel a omengiul a loanwords. A tekoi er a Belau el bappa a “chedam”, me ng uleker el kmo, ng kired el diak dousbech er ngii ele ngar er ngii a tekoi er Belau el kirel? Me a **Uchel** a uleker el kmo a klisichel a usebechel a bappa ng mla mo sebechel el otebedii a “chedam”.

A **Debbie** a kuk milekoi el kmo a bappa a dousbech er ngii el mo era demad, ea chedam a oumesinged el mo er a demal a demad ma lechub eng klou el chad. A **Uchel** a dirrek el milekoi el ua isei. A **Gorio** a dilchellii el kmo ng dirrek a lsekum a chad a klunga el chad e ng mla mo diak lou bappa, ngou chedam. Uriul e terokui el chad el kilengei el kmo a bappa a ungil el diak bo el tekoi er Belau. Ngak el **Researcher** a kuk omdasu el kmo a bappa a diak el tekoi er a Merikel, ng tekoi el mlengai er a tekoi er a ngebard el “pop” e kid a ngiluu el mei e ousbech er ngii el Belau.

A **Vice Chairman** a uleker er a ungil taem el lebla bo el merek a bingel aika el loandwords. Ng miltib el kmo ng mo merek er tia el ureor e mo er ngii a miting er a 12/17/2013 er a2pm el mo ome a mla meruul el ureor.

A **Uchel Megreos** a uluuchais el kmo a Senator Oilouch me a Senate President a mla melkoi er ngii el kmo ng ko er a kma el sorir el mo meruul er a “oversight hearing” el obengkel a kamision el kirel a urerel me ng olengit mel sebechel ea Researcher el ko er a mo omes a ureor el ml a eruul el “list” me a lomekedong a rechad er a Olbiil e de kldmokl. A rechedal a bord a bekikl a lomekedong a rechad er a Senate ea lak a ureor el mla mekedmokl.

A **Vice Chairman** a dirrek el milekoi el kmo a Jonathan lebo el kedmeklii a “draft” er a ike el “rules me a procedures” el me er a bord me bo lomes.

**Ms. Sbal** a kuk mlo mesaod a stipend el kmo ng kirel el kmal el bleketakl el kmo ng tela rechedal a bord el kirir el melai aika el stipend. Te mileteklai el kmo a RPPL 8-9 a msa ta el chad el sebechel melai a stipend. Er a ta el miting, e ngdi diak bo el lengelakl er a \$490 er a ta el rak. Me ng belkul a kmo a ta er tirka el cha da ududel er aike el kot el teruich ma klua el miting (14 meetings). E dirrek el mloterkokl el kmo a ocherengel a miting a omuchel er a uchelel a rak er a udoud e mekimd er a ulebengelel tia el rak er a udoud.

## PLC BUDGET

A **Researcher** a milrous er a blal lekedmeklii el komakai el babier er a iosang er a PLC er a FY 2014 el mo er a rokui el chad er a bord. Me a rechedal a bord a mlo komakai el lomes er ngii. Te mlo komakai el milsaod er a tekoi er a cheluch me a Researcher a ulenger el mo er a Acting Chairman er a mle keril el kirel a klungel a usbechel a cheluch er a rechedal a bord el kmo, a Ms. Sbal, Ms. Ngiruos, Chairman Ignacia Oilouch me a Ms. Tabelual a dirkak lousbech a cheluch er a PLC, ng di te medengei el kmo ng sebechir el melai a ike el blingerir el cheluch sel el bo lousbech.

A **Mr. Megreos** a milekoi el kmo, a domes er a “Salary expense”, cheluch me a compensation e ng \$31,586. Me ng nguu a kma el klou er a iosang er a PLC me ng kma el kirel el mo mesisiich a ureor. A **Ms. Sbal** me ng dirrek el milekoi el kmo ng kmal el klou er a iosang er a PLC a mo er a salari me omko ke de mo “testify” er a Olbiil eng sorir el mo medengei el kmo ngera mla meruul. A **Vice Chairman Secharraimul** a dirrek el milekoi er a tekoi er a “budget Performance Report” el blechoel el lousbech er ngii a rechad er a Olbiil. A Researcher a uluuchais el kmo a PLC a meruul er a “ Performance review/report” er a bek el rak.

A **Vice Chairman** a dirrek el milekoi el kmo a iosang er a PLC a ko er a diak a udoud el kirel a “printing” er a mo beches el buk me a diksionari. Me te rokui el kilengei el kmo ng diak, e ng di te mle chadeduch el kmo a le bo el merek a ureor e ng sebeched el kuk domes er a printing er a mo er ngii el buk.

Ng uluchais a **Researcher** el kmo ng mla omuchel el merritel e omes a betok el kombalii el kirel a printing. Ng dirrek el ulengit me a di lungil el becherar a airime/debusech el oba el omekedong a kombalii el nga er a ikrel a Belau el melai a betok el “information” el kirel a printing. **Ms. Sbal** a uluuchais er a calendar er a MOE el ble le print er ngii er a Taiwan el kma el mle iasuii.

A uriul er tiang e a Researcher a rirous a bla el kedmeklii el babier el kirel a “rules me a procedure” er a urerel a beches el loanwords el lebo lomes a rechedal a bord. Aika a mla mo betok el leme er a ulaol er a miting er a bord. E ng di beches el mo bengkel aika el llechul a loanwords a se el tekoi el kmo, a le ngar er ngii a tekoi er a Belau el kirel a ngerrach el loanword e ng mo uchul e se el loanword a diak el ungil a le merodel. Me a **Vice Chairman** a milekoi el kmo, a rechad er a bord a nguu tia el babier e mo mesuub er ngii me a merael el mei el miting e bo el sebecherir a rechad el mesaod er ngii.

A **Vice Chairman** a uleker er a teletelel a tekoi el “kldioll”, e le ng mla er ngii a chad el uleker er ngii. Ng kldioll ada ng kldiull? A diksionari a ngar er ngii a kldiull, ele ng tekoi. Te milekoi el kmo a dioll a “pregnant” e a kldiull a “pregnancy”. A **Uchel** a milekoi el kmo a ochil el oburk a sebeched el kmo ng dioll, e le dioll a “belkuuk”. A **Gorio** a milekoi el kmo ng sebeched el ousbech er a kldioll el mo er a klalo, me a dirrek el sebeched el ousbech er ngii el kmo “tia el kldioll er a belumam”. Te dirrek el milekoi el kmo a “belkuuk” a “dioll”.

A **Researcher** a uluuchais er a bord el kmo a MS. Elicita Morei er a PCC Palauan Language a ulengit er ngii me ng mlo mengedecheduch er a klas er ngii e louchais er a urerel me a moktek er a PLC. Ng dirrek el uluuchais er a rechad er a bord el kmo, se el lemengai a minits er a miting e ngii a mo osiseb er a website era PLC. E uluuchais el kmo a omelchesel a klou el diksionari el loruul el ngii a Ms. Aot a mla mo merek er a “B” me ng mla omuchel er a “C”. Ng dirrek el uluuchais er a bord el kmo ng mlo er ngii a miting er ngii (Ostu me a Aot) er aike el mle ongtil a bord er a tekoi er a temel a ureor, usbechel a computer, omengedmeklel a obis, temel a lunch me a break, me a bisam er a taem er a ureor. Ng mlo bleketakl aika el tekoi me aki mo oureor el oltirakl a teletelel a ungil ureor.

A **Mr. Megreos** a ulengit me ng mlo mengedecheduch el kirel tia el tekoi er a ureor e le ng ngar er ngii a chelsengul me ng mo merael. Ng milekoi el kmo, aika el tekoi a ldilung er se er a le-chairman. Ng milekoi el kmo se el domes a klungel a udoud el ua salari el dosuk er ngii eng chatter ngii ma urered el kmo tia el obis ng sebechel a kabelment el “maintain” er ngii ele ng ngar er ngii a rellii? Ng milekoi el kmo oumesingd er a ureor a urererir tirka el teru el chad er a ureor, ele te remuul a ureor e a rechad er a bord a kuk di me omes. Ng milekoi el kmo ng omdasu el kmo a “tesity” er a udoud a diak el sal “mongdai” ng ureor e klou a belkul.

A **Noah** a kuk milekoi el kmo a Researcher me a staff a mla chadecheduch, me kma el ungil, me bo el ua isei. Me lolasem el mo otirakl a teletelel a ureor.

A meeting a Dec. 17, 20113 @ 2:00pm.

**Meeting a mlo merek.**

**By: Jonathan Masaichi**